



TEKS UCAPAN
**MAJLIS PERASMIAN KURSUS
PEKEBUN KECIL**

YG. BERBAHAGIA TAN SRI RAHIM TAMBY CHIK
PENGERUSI RISDA

IKPK KG. AWAH,
TEMERLOH, PAHANG

23 JULAI 2008
11.30 pagi

Yang Berusaha Saudara Pengerusi Majlis

Yang Berbahagia Tn. Hj. Wan Mohamad Zuki bin Hj. Mohamad
Timbalan Ketua Pengarah (Pengurusan & Korporat) RISDA
Mewakili Ketua Pengarah RISDA

Yang Dihormati Pn. Hjh. Wan Esah bt Ton Harun,
Pengarah Bahagian Latihan

Tn. Hj. Mujahid bin Mohamad
Pengarah RISDA Negeri Pahang

Pn. Hjh. Husniah bt Ismail
Pengetua IKPK Pahang

dan seterusnya tuan-tuan dan puan-puan peserta Kursus yang dikasihi sekalian.

Assalamualaikum Warahmatullahi Wabarakatuh

1.0 PENGHARGAAN

Bersyukur saya kepada Allah SWT yang dengan izin-Nya dapat kita berkumpul pada hari ini sempena Majlis Perasmian Kursus Pekebun Kecil di Institut Kemajuan Pekebun Kecil Pahang. Saya merakamkan ucapan terima kasih kepada pihak Institut kerana sudi mengundang saya dan ia merupakan lawatan yang pertama ke kolej ini semenjak saya memegang jawatan sebagai Pengerusi

RISDA. Setinggi penghargaan dan tahniah kepada RISDA kerana mengaturkan satu Majlis ilmu seumpama ini yang begitu berfaedah kepada masyarakat luar bandar di lapangan yang menjadi kumpulan sasar RISDA. Ini selaras dengan hasrat kerajaan yang mahukan rakyat berilmu, berpengetahuan dan berwawasan untuk meneruskan pembangunan Negara ke puncak kejayaan.

2.0 PEMBANGUNAN MODAL INSAN

Pihak kerajaan telah melihat bahawa salah satu faktor yang menjadi penyumbang utama terhadap kesejahteraan dan pembangunan keluarga masyarakat luar bandar adalah elemen pendidikan yang berterusan. Kementerian Luar Bandar dan Wilayah sentiasa perihatin dalam usaha untuk membangunkan modal insan masyarakat luar bandar. Oleh yang demikian RISDA telah menyahut seruan kerajaan yang ingin membangunkan masyarakat luar bandar melalui saluran pendidikan bagi membentuk dan mewujudkan masyarakat luar bandar yang berjaya. Bukan setakat pelajaran anak sahaja, bahkan kita juga

perlu sentiasa meningkatkan ilmu pengetahuan, seperti sabda Nabi ' Belajarlah sehingga ke negeri Cina'. Berbagai-bagai cara boleh digunakan bagi meningkatkan pengetahuan dan ilmu kita, seperti menghadiri kursus-kursus dan seminar. Tetapi ini tidak cukup untuk membawa tuan-tuan dan puan-puan ke tahap kemajuan yang lebih tinggi. Kita perlu sentiasa meningkatkan ilmu melalui membaca buku-buku, jurnal-jurnal dan berbagai makalah . Selaras dengan zaman ICT ini, kita juga boleh melayari internet untuk meluaskan pengetahuan kita secara lebih global.

PERANAN RISDA DALAM PENDIDIKAN

3.1 Latihan Pekebun Kecil

Di samping khidmat pengembangan, latihan formal dan informal yang dijalankan secara berterusan untuk pekebun kecil, RISDA juga telah memberi perhatian kepada pendidikan generasi muda pekebun kecil. Bagi RISDA, pembangunan ahli isi rumah perlu di beri penekanan sebagai jaminan untuk meningkatkan pendapatan keluarga serta taraf hidup masyarakat pekebun kecil dan luar bandar. Ini dilaksanakan dengan penubuhan **Institut Kemajuan Pekebun Kecil (IKPK) di Perak, Pahang dan Kelantan, RISTEC**

7

di Port Dickson dan Kolej RISDA di Melaka. Kursus-kursus **teknikal dan pemasaran** dijalankan di IKPK manakala **Kursus Bina Insan, keusahawanan dan Kemahiran** dijalankan di RISTEC, Port Dickson. Bagi latihan pekebun kecil, sejumlah **RM 3 juta** di peruntukkan bagi latihan di IKPK. Pada tahun ini setakat Jun 2008, sebanyak **217 kursus** telah dijalankan oleh Bahagian Latihan RISDA melibatkan seramai **4887 orang** peserta.

Peruntukan KKLW

Selain daripada itu, sejumlah **RM 5.055 juta** disediakan oleh KKLW dibawah Program Latihan Kemahiran dan Kerjaya (PLKK), Program Kecemerlangan Pelajar (PKP) dan Program Pembangunan Minda Insan (PPMI) untuk anak-anak pekebun kecil miskin.

3.2 Program Latihan Kemahiran dan Kerjaya (PLKK)- RM3.3 Juta

Di bawah Program Latihan Kemahiran dan Kerjaya (PLKK) dimana anak-anak Pekebun kecil berumur 18 tahun ke atas diberi peluang

9

mengikuti kursus jangka pendek, sederhana dan panjang termasuk kemahiran asas MLVK. Jenis-jenis kursus yang dijalankan adalah seperti **Kursus Bakeri dan Kek, Kursus Kecantikan, Juruteknik Letrik, Baikpulih Telefon Bimbit, Plastic Injection Moulding, Kejuruteraan Marin, Kemahiran Jahitan dan Kejuruteraan Sistem Komputer.** Dibawah Program ini, kursus-kursus ini dikendalikan oleh pembekal-pembekal kursus yang diiktiraf oleh KKLW. Setakat Mei 2008, RISDA telah menguruskan **87 kursus** meliputi **1,037 orang** generasi muda pekebun kecil dengan perbelanjaan **RM 1,175,152.00.**

3.3 Program Kecemerlangan Pelajar (PKP)- RM 1.045 Juta

Program Kecemerlangan Pelajar adalah program yang menyediakan bantuan kewangan dan pengurusan bagi membolehkan anak-anak pekebun kecil mengikuti kursus-kursus peningkatan pencapaian akademik. Jenis-jenis kursus adalah seperti **Kem Kepimpinan Pelajar, Motivasi Pelajar Cemerlang, Motivasi Penyediaan PMR dan Motivasi Penyediaan SPM**. Di bawah Program ini, setakat Mei 2008, RISDA telah menguruskan sebanyak **53 kursus** untuk seramai **7,364 orang** anak pekebun kecil melibatkan perbelanjaan **RM 1,548,800.00**.

3.4 Program Pembangunan Minda Insan (PPMI)- RM 0.71 Juta

Di bawah PPMI, bantuan kewangan di beri kepada anak-anak Pekebun kecil miskin untuk mengikuti kursus-kursus perubahan sikap, motivasi dan pembangunan insan supaya lebih bermotivasi untuk berusaha meningkatkan ilmu, pendidikan, kemahiran serta pendapatan keluarga. Jenis-jenis kursus yang dijalankan adalah seperti **Kursus motivasi dan perubahan sikap, Bengkel kebahagiaan dan kecemerlangan keluarga serta Motivasi membina keyakinan diri**. Kumpulan sasarannya adalah Ketua Isi Rumah (KIR) yang mempunyai ramai tanggungan, Suri rumah

yang ditanggung oleh KIR yang kurang upaya dan Ahli Isi Rumah (AIR) yang ditanggung oleh KIR ibu tunggal.

7.0 NASIHAT KEPADA PESERTA KURSUS

Saya difahamkan Tuan-Tuan dan Puan-Puan peserta kursus hari ini terlibat dengan 5 Kursus iaitu Agronomi Sawit, Pemasaran Sawit, Semaian Getah, Teknik Mencantum dan Pengurusan Projek Berkumpulan Getah Muda. Tuan-tuan dan Puan-Puan akan berada di Institut ini selama 4 hari untuk mempelajari pelbagai ilmu yang akan disampaikan oleh tenaga pengajar RISDA secara teori dan juga amali. Gunakanlah masa ini untuk menimba sebanyak

13

ilmu yang mungkin supaya boleh diterima pakai bila Tuan-tuan dan Puan-puan balik nanti.

8.0 PENUTUP

Akhir kata, sekali lagi saya merakamkan setinggi-tinggi tahniah kepada RISDA di atas usaha yang amat murni ini, moga-moga diberkati Allah S.W.T. Adalah menjadi harapan kita semua untuk melihat Institut Kemajuan Pekebun Kecil ini terus gah berdiri dalam menjana kecemerlangan.

14

Semoga Majlis ini memberi manfaat yang sepenuhnya kepada Tuan-Tuan dan Puan-Puan untuk lebih maju lagi di masa hadapan. Saya mendoakan agar Tuan-tuan dan Puan akan terus maju dan meningkatkan pengetahuan dan akan mempraktikkan apa yang diperolehi dalam konvensyen ini. Azam dan kerjasama dari semua akan dapat menjayakan aktiviti pembangunan luar bandar dan semoga Tuan-tuan dan puan-puan akan terus cemerlang dalam mengharungi kehidupan yang lebih sejahtera.

15

Dengan kata-kata ini dan dengan lafaz 'Bismillahirrahmanirrahim' saya merasmikan **Kursus Pekebun Kecil di IKPK Pahang.**

Sekian. Wabillahi taufik Walhidayah Wsb.

16